

籌辦夷務始末

籌辦夷務始末卷之二十六

咸豐八年戊午五月乙酉巡防王大臣惠親王等奏本月  
初五日奉

硃諭著僧格林沁派員將耆英鎖扭押解來京交巡防王大臣軍  
機大臣會同宗人府刑部嚴訊具奏等因欽此臣等督同派出  
司員連日審訊據耆英供稱實因喫夷包藏禍心恐因此  
有害撫局並有面陳事件是以於桂良花沙納代為具奏  
後即行進京至通州後接奉五月初五日軍機大臣字寄  
上諭一道即於通州繕摺據實覆奏旋因僧格林沁奉到

展旨將耆英鎖扭押解來京並將耆英原摺夾板追回現蒙

嚴訊。惟有懇求。

皇上天恩。將耆英從重治罪等語。臣等謹將耆英所具親供三件。並通州所發原摺一件。當堂拆閱。一併恭呈。

御覽。

硃批。著恭親王奕訢。惇郡王奕誼。會同大學士。六部。九卿。秉公定擬具奏。耆英所具供並摺。發交爾等同閱。

耆英謹具親供事。四月二十七日。行抵天津。見夷人往來。肆行滋擾。既不能以理禁止。又不可以威鎮懾。逆夷肆虐。日甚一日。誠恐民情不能忍受。爭隙一起。全局皆非。至其中情形。不但不能行諸筆墨。且亦不敢宣之聽聞。辦理實

屬鉢手。五月初一日。哮喘。復同通使喊喚。至桂良。花  
沙納行寓。逼索議准照會。神色俱厲。並呈出當年密陳夷  
情。

硃批摺件。公同展開。多係辱罵夷人之語。該夷懷疑深恨。誓不甘  
心。又據委員探聽。奕包藏禍心。執意不見耆英。緣此桂  
良。花沙納等。公商。奕既深怨耆英。縱然在津。於事無益。  
僕由此頓起隙端。更難措施。是以商令回京。保全撫局。以  
免決裂。此桂良。花沙納奏請。今耆英回京之實在情形也。  
遂於初二日。公同商酌。是日桂良因病。有桂良隨員在坐。  
耆英當向花沙納及隨員等云。如奏請耆英回京。我不敢

列衛恐致猜疑。若照崇給於拜摺後即行起身。又恐民夷生疑。諸多未便。花沙納云。若夷人問起。便說者英與你們意見不合。你們公使又不肯相見。所以

大皇帝將書英叫回。書英云。若商民間起。即可答以公出。不過數日。即回天津。以釋羣疑。於公同議定後。是以桂良。花沙納另片奏懇

皇上格外

天恩。允准者英來京。實為通籌夷務全局。面陳機宜起見。竊思者英中外多年。雖袁逆糊塗。豈不知舉凡陳奏事件。須俟奉到

批摺始敢遵行。今未候

批摺。率行回京。誠如

聖諭。實屬自速其死。惟所欲而陳之事。實關繫

國家安危大局。又慮該夷耳目眾多。漢奸動輒洩漏。必須面

陳。萬不敢行諸筆墨。是以不揣冒死回京。冀聆

聖諭。俾有遵守。此非擅離津郡以圖脫卸之實在情形也。津門夷

人。任意騷擾。民勇皆有困極思闖之意。易起釁端。則撫局

恐立見決裂。是通州一帶。務須妥籌戰守。初四日。耆英道

經楊村。與托明阿會晤。將戰守事宜。詳加講求。初五日。行

抵通州。與僧格林沁見面。將津門夷情。詳細告知。必須通

盤籌謀以期勦撫兼施。方合機宜。並文白火藥箭一枝。以備照式製造。火攻尚屬利器。伊云。籌防一切情形。擬於日內具奏。至應防河路。咨令該督設法辦理等語。所有耆英由津冒死來京。實為面陳通籌夷務起見。非敢顧惜身命。謹具親供。伏乞代奏。懇

皇上天恩。將耆英從重治罪。所具親供是實。

耆英謹又供。查喫夷要約各條。惟內地通商。游厯各省州縣。擇地設立領事官兩節。實屬

國家安危大局。萬不可牽就一時。致滋無窮後患。現雖允其俟軍務完竣。再為酌辦。亦不過暫示羈縻。以安其心。儻該

夷即欲於無事省分。立即前往。必致驚擾。若待寫立和約。印冊時。於條例內稍有駁斥。事必決裂。亟應豫為籌備。節節防禦。一經泄漏。必致立起兵端。事宜慎密。時不可緩。既不敢行諸筆墨。又不敢商之外人。所以冒昧回京。以冀趨謁。

闕廷面陳一切。伏乞

皇上指授機宜。俾得遵守。並請

密飭統兵大員。及文武地方官。水陸擇要。先事豫防。斷不可稍形疏漏。致誤事機。此者英必欲回京面陳之實在情形也。伏思者英以垂暮之年。仰荷



高厚鴻慈。棄瑕錄用。雖誓死自效。尚不能仰報於萬一。何敢藉詞却責。自作抽身之計。今冒死回京。實屬糊塗。惟有仰懇皇上天恩。將耆英從重治罪。為此再具親供是實。

耆英謹又供。於四月二十九日。往見四國夷人。嘆唏兩國夷酋。差通使傳說。不與相見。味俄兩國會晤。情詞尚屬恭順。今四國夷酋。移居陸路。距海口外大兵船極遠。該夷由海口載運鐵銃。二百餘把。帳房二百餘架。在津郡得有蘆席三百餘領。又占三义河口。望海樓。韓家房屋。金家寨等處民房。四國夷酋。分踞金家寨民房。收藏器械等物。並駕三板船五六隻。在南運河試水。登我廢礮臺。十里眼遙。

望。聲言再不打仗。不過懈我軍心。其包藏禍心。已可概見。若以要約條款已定。即可退船息兵。耆英未敢必信。該夷現在三义河所泊夷船。來去無定。來時則人心搖動。去則商民頓安。體察夷情。實非昔年可比。並非一味圖利。頗露窺竊詭詐之情。即如該夷始欲占踞天津。復又不要。食謂甚好。復又請內地通商。試問天津又不在內地耶。始以進京為請。今又可緩。現又改為請內地通商。游歷各省州縣。豈潞河又不在內河耶。種種鬼域。豈可遽信。亟須通盤籌畫。謀定後行為要。謹又具親供是實。

耆英奏。奉照會各夷之後。嘆唏兩夷。雖遣通使至。奉行寓

來見。不過數語。即歸。二十九日。赴喚啤雨夷所住之望海樓。原冀會晤夷酋。設法開導。乃竟堅執不肯相見。託言推諉。迨是晚。喚夷通使。呼味咽。至李桂良。花沙納行寓。逼索條約各款。必欲一一照准。復經隨員等。向其婉言商榷。該夷頓起憤激。即欲轉回。言語狂悖。極為可惡。李等以大局所關。雖忿懣填胸。不得不降心開導。冀其轉圜。因將酌商照會發給。不肯接收。竟忿忿而去。次日。呼味咽復同通使。喊喚嗎。至李桂良。花沙納行寓。仍逼索議准照會。神色俱厲。並呈出李當年密陳夷情。

硃批。摺件。公同展開。多係辱罵夷人之語。今粵城既破。曾署被探。

所有夷務案卷。既為該夷所得。當年權宜之計。盡為該夷  
窺破。現欲令其就我範圍。復然見信。誠恐萬難措手。並據  
隨員等稟稱。探聞英夷。包藏禍心。深懷叵測。其堅執不肯  
與粵商辦。復出閔摺件。明露懷恨。已成嫌怨。不能不暫避  
兇鋒。保全大局。況各夷時有三五成羣。來往街市。騷擾居  
民。甚至結隊肆行。誠恐別起釁端。桂良。花沙納。與粵再四  
熟商。夷情本屬多疑。復加心懷怨恨。若粵拘泥。必與會晤。  
設有不虞。不但與大局無益。且恐速其決裂。難以收拾。是  
以粵桂良。花沙納。另片奏懇

天恩。允准粵來京。以備面奏一切。何敢各存意見。致誤機宜。僅粵

意存接卸。喪心昧良。視

國勢之安危為輕。惟一身之休戚是計。何能逃於

聖明洞鑒之中。等於拜摺後。次日起程。現抵通州。將夷情大局。與  
僧格林沁面見。熟商密議。計求萬全。即赴

闕廷跪聆

聖訓。再行恪遵等辦。

丙戌。

欽差大學士桂良。吏部尚書花沙納奏。此時俄味兩夷。既已定議。  
若論啖喘兩夷。恃強要求情形。非求

皇上示以兵威。不足以懾其虛憍之氣。惟等統籌全局。兼權時

勢。並因天津密邇。

京畿。不敢令其決裂。即如內地通商。鎮江先立馬頭。遊歷各省州縣。進京長久駐紮各節。凡

訓諭命芽等轉告之說。均已照此反覆開導。無如言者諄諄。聽者藐藐。任我剛柔互用。該夷總持之甚堅。俄夷雖感激。

天恩。而此時啖怖兩夷。並伊言亦不肯相信。不特以添調兵船等詞。時加恐嚇。且故令夷兵登岸。時為騷擾。欲遂其要求之私。芽等令委員百般曉諭。幾已無術不施。本日奉到

諭音。又可藉此作一番辯論。但願該夷悔禍。能遵

聖訓。即可速為定議。僕再事狡展。芽等亦不敢任其貪求無厭。惟

當請

旨遵辦。俾夷條約將定。所求內江通商一節。只許南京一處。約俟軍務完竣再議。內地游行一節。不准設立馬頭。及領事官。進京一節。有事方准前往。而該夷必欲派員先至京師。看定房屋。留數人居住。權且辦事。說至再四。方成如此局面。然尚未能定議。獨有賠償及兵費兩節。屢次斥駁。餽舌數日。該夷必欲在京議定數目。逐層遞減。至二百萬。分作五年。由廣東關稅內籌款扣還。據云。每稅一萬。納稅九千兩。其餘一千。以此項作抵。如此攤開。似乎尚可為力。將來進至一半。或過半後。又可設法告緩。惟議定之後。須等先

行畫押。始允退出廣東兵船。及此地兵船也。此事可否允准之處。伏候

命下。李等再與定議。

桂良等又奏。嘆唏兩夷。桀驁不馴。不可專示以弱。此次天津情形。因該夷已踞海口。又復密邇。

京畿。是以難於用武。然俟條約議定。該夷退出兵船之後。即須及早圖維。不但天津一處。亟宜整頓。所有通商各口。均須一體嚴防。萬一該夷稍有蠢動。不至為其所制。現在中國虛實。盡被夷人窺破。故敢逞其私智。毫無畏忌。雖攻破廣東省城。聲言將來退還。似乎不占地方。而夷情叵測。萬



不可以深信。况經此衆定議。後患無窮。不於此時豫為綢繆。恃為長治久安之計。誠恐貽患滋甚。等奉

命查辦夷務。從權辦理。所有應允各款。實出於萬不得已之苦衷。縱然殫竭愚忱。只能暫顧目前。而辦理不善之罪。萬無可辭。伏願

皇上速命海疆大臣。力圖補救。以免將來事事掣肘。

桂良等又奏。俄夷前欲派人由旱道往恰克圖送信。經督臣譚廷襄密奏。曾奉

硃諭批示。未遵

恩允。等語。局故再行妄請。惟該夷呈請代奏前來。據云。現在前往。

只有二人。且係向來學生行走故道。並非自出新意。等  
察其情詞懇切。實無別情。可否仰懇

皇上天恩。准其委員自天津起程。由張家口庫倫。徑往恰克圖地  
方按站行走之處。出自

逾格鴻慈。

諭軍機大臣等。桂良。花沙納。奏。密陳喚佛兩春。議論條約情形。一  
摺。喚夷所求內地通商一節。該大臣等已許南京一處。現在逆  
夷占踞金陵。官軍克復之後。地方凋敝。一切善後事宜。非兩三  
年不能妥辦。須俟辦妥後。方能議立馬頭。此事與喚夷所求鎮  
江。同一窒礙。該大臣等務當明白開導。以免臨時銜舌。內地游

行一節。該夷無非意在傳教。但中國民情不一。肯否習教。不能相強。僅將傳教之人。暗中殘害。或迷失傷亡。中國地方人眾。不能紛紛代為查辦。此層須向該夷先為說定。以免將來因此起釁。至派員至京。看定房屋。留數人居住辦事一條。該夷留人在京。無事可辦。海口通商事宜。仍須由各省督撫察看地勢民情。京中礙難懸斷。若照俄夷成例。其隨從人等。須改中國衣冠。遵中國制度。不得與聞公事。於該夷有何裨益。此事仍須囑俄夷向英俄二夷詳言阻止。方為妥善。其賠償兵費。數目至一百萬。雖屬無理。原不足計較。惟廣東關稅五年之中。能否扣出此數。況尚有英俄二國。恐為數不敷。必須俟廣東大局定後。方能裁

算桂良等若先行畫押。將來事有難行。反謂中國失信。又恐其復有要求。伊於胡底。若能借俄夷之力。加以挽回。與說活動。該大臣等亦須示以誠信。以見不輕定約。為定約後事必能行。其尚無把握者。不敢漫然應允。並非推諉也。另片奏。俄夷遣人赴恰克圖。已諭譚廷襄派員護送至張家口。並諭慶昫派員接送至恰克圖矣。

又

諭桂良。花沙納奏。俄夷欲派人由驛往恰克圖送信。懇請代奏等語。據稱。現在前往只有二人。其自天津起程。由張家口庫倫。徑往恰克圖。由驛行走。係向來學生行走故道。未便過為阻止。著

韓廷襄遣派熟悉夷情之幹練旗員。伴送該夷。由通州昌平州一帶至張家口後。著廣煦。揀選通曉蒙古言語之幹員。接續護送至恰克圖。沿途密飭委員。暗中察看夷情。妥為防護。

丁亥。恭親王奏。竊臣聞逆夷要求各款。多出情理之外。其尤關利害者。莫如江岸通商一節。

皇上聖謨廣運。必不輕易允准。特恐在事諸臣。暫圖目前息事。致貽後日鉅患。將來雖欲議勦而不得也。西洋各國通商。二百年來相安無事。由於夷貨寄頓。祇有澳門一處。洋行開設。祇在廣東省城外。不特中國兵威。彼未窺破。不敢妄逞。滋擾。即中國利源。彼亦未盡悉。不致別啟覬覦也。自添設

五口以來。當時固以為夷性貪利。順其欲以饜之。庶幾飽而思息耳。乃迄今未廿年。又欲添設海口。甚至有長江口岸之請。是其貪得無饜。竟無止足之時矣。查長江發源四川。由湖北。江西。安徽。數千里。直至江南之鎮江。無論山川設險之所。城邑扼要之區。處處皆中原大局所關。斷不宜令夷人實偏處此。即以利源而論。富商大賈。舟楫貿易。皆藉長江為轉流。關稅出於是。場鹽行於是。漕粟運於是。該夷今日所請。即云意止通商。迨經年累月。目覩此數大利源。充其無厭之心。必又將滋生異議。其時民夷狎習。國練既呼應不靈。而各處險要。皆在彼掌握之中。設令別有要

挾。我將不許。則勦辦更難措置。我將輕許。則精華悉飽犬  
羊。噬臍之悔。其何及矣。從來勦撫之道。必出萬全。臣豈敢  
輕言戰鬪。況彼之船堅礮利。天津海口甫一接仗。而我兵  
勇潰散。礮械軍裝。盡以資敵。刻下桂良等。猶以詞令為折  
衝。天津現有之兵。為數無多。僅逆夷執意要求。不能以理  
喻。則不得不早籌戰備。至今日而言戰。戰更有無可恃者。  
然臣謂總在辦理之得人耳。天津鄉勇。現仍團結。果有素  
孚物望之官紳。實力訓練。晚以大義。啗以重賞。必可得力。  
北河洩水。已可阻之。使不能進。西河南運河洩水。兼可制  
之。使不能退。惟調吉林黑龍江及蒙古馬隊。速赴僧格林

沁軍營一有蠢動。即行鼓勇前進。或分兵協勦。有

飭僧格林沁。及早圖維。妥籌辦理。縱使彼銳而走險。一我兵勇水陸設謀。可操必勝之勢。一面寄信黃宗漢。羅惇衍等。率勵鄉兵。分攻粵省及香港。則皆其商賈所聚。並不能軍。而廣東百姓恨夷切齒。果奉有進兵明文。自必踴躍用命。勝算尤有可據。如此而津門逆夷。或可畏而思轉。然後加以羈縻。庶撫局可稍久遠。與其一味示弱。棄江岸以為了事。後日雖欲追悔而無及者。利害不啻百倍。且又聞外間有許其候內地軍務告竣。再行商辦之議。惟國暫顧目前。而終歸不了之局。是又貽患於將來。則更為非計。



恭親王又奏。臣聞暎夷頭目。未曾與崇綸諱廷裏見面。即桂良。花沙納。抵津以後。亦僅相見一次。近日往來公所。咆哮要挾。皆係哮喘。從中煽虐。為其謀主。俱可灼見。聞哮喘。係廣東民人。世為通使。市井無賴之徒。膽敢與

欽差大臣。覲面肆爭。毫無畏憚。並者英指內。有時哮喘語言狂悖。極為可惡之語。按其情狀。實堪髮指。若不加以懲創。不特外夷藐視。將來哮喘。必至各處海口。揚言自負。恐從此效尤者日眾。擬請

飭下桂良等。待其無禮肆鬧時。立刻拏下。或當場正法。或解京治罪。並曉諭各夷。以該通使本係內地民人。不知法度。種種

狂妄。形同叛逆。所以將其正罪。既足褫逆夷之魄。且不啻去其腹心指臂。辦理當易著手。如恐該夷憤激。致啟釁端。請

飭下僧格林沁。或令托明阿移營前進。或另行酌撥勁兵。俱在附近天津地方屯劄。以備接仗。庶不致有措手不及之慮。

吏部尚書周祖培等奏。竊。臣等奉

命辦理團防。原為杜絕奸萌。肅清地面。夷務機密。未敢與聞。惟本月初十日。外間紛紛傳言。撫局已成。各國夷使。不日到京。相度地方。建立夷館。常川往來。該夷使等。一切體制。與大學士平行等語。雖虛實未能懸斷。而眾口洶洶。羣情駭懼。

不得不詳度利害。為我

皇上剴切陳之。自五口通商以來。該夷分居內地。不惜重資。購覓  
邸鈔。盡窺我之虛實。若久住京師。則凡有舉動。纖悉必知。  
既速且詳。動為所制。其害一也。該夷所到之處。建立高樓。  
用千里鏡。窺測遠近。京師既准設館。且許其自行度地。使  
於附近。

禁城地方。任其建立。則

宮禁重地。

園庭處所。盡為俯瞰。其害二也。京師所有隙地。大都不堪居  
住。該夷居住。必欲通衢大道。指地營造。則將遠徙衙署。拆

毀民居。聽之則不可。拒之則不能。其害三也。

蹕路經行。理宜清肅。該夷建館之後。設遇

壇

廟祭祀。

圍庭臨幸。或憑樓而望。或夾道而觀。誰能禁之。其害四也。京

師從前設立西洋堂。止為天文算法。並無傳教等事。今該

夷之立夷館。則專為倡行天主教而設。近年沿海地方。業

為所惑。即粵逆亦藉耶穌以煽人心。京師首善之區。若遭

蠱誘。則衣冠禮樂之族。夷於禽獸。其害五也。民夷雜處。設

有關訟。無從訖斷。更或奸猾之徒。為重利所餌。挾夷為重。

橫行都市。其患尤不可勝言。每年步軍統領衙門。及五城所獲土棍竊盜。層見疊出。尚不能盡絕根株。既有夷館。則皆恃為通逃淵藪。其害六也。京師內外各門。征收稅課。稽查出入。立法最為嚴密。該夷來京之後。勢必包攬商稅。任意往來。門禁盡廢。其害七也。朝鮮琉球等國。久奉正朔。每遇朝貢。皆極恭順。若見該夷之桀驁倨侮。必皆有輕視天朝之意。其害八也。抑更有慮者。聞天津士民舉行團練。誓欲盡殲醜類。現雖未奉

諭旨。暫時斂戢。將來眾怒難回。必有不候

旨而自戰之日。且該夷猖獗有年。惡貫滿盈。神人共憤。沿海各省。

無不欲食其肉。今既盤踞京師。逼近

宮禁。外間一與為讐。必在京師報復。粵東囚虜重臣。是其前  
鑒。肘腋之變。可為寒心。昨見巡防王大臣。行文各部院。揀  
派明幹之員。於近畿地方。勸辦團練。眾志成城。足資敵愾。  
若該夷既已進京。則人人有投鼠忌器之慮。雖百萬之眾。  
無所用之。此種情形。在無局諸臣。未必不能見及。徒以身  
在虎口。不得不虛聲恫喝。為此苟且自全之計。是諸臣之  
性命重。而我

皇上之

宗社輕。即肆諸市朝。亦不足以謝天下萬世。若謂遠就目前。暫全

大局事定之後。激勵人心。修繕武備。再圖雪恥。不知該夷一入京師。則一切政令。必多牽制。即欲為生聚教訓之謀。不可得矣。

宗人府府丞錢寶青奏。竊本月初十日。據桂良花沙納奏。夷人欲派欽差駐京。先令人來。踴度地勢。租賃房屋。除

宮禁重地。不准往來。其餘任行無阻等語。此千古未有之奇聞。而桂良等毅然入奏。幸

皇上洞燭幾先。不允所請。然以情理度之。桂良等未必遂能阻止也。聞桂良等於夷人所請。皆先寫照會允准。鈐用

欽差大臣關防。付與該夷。然後入奏。是以如內地通商。及賠償兵

費等款。皆寄

諭所駁斥。而桂良等力為之請者。以照會在彼。不敢翻悔。逮

諭旨。

皇上猶或原之。悔照會。則夷人得而戕之也。歷觀所求各款。初請不准者。再請即無不允。夷人知桂良等不敢不為之請。桂

良等知

皇上之不能終卻。遂肆無忌憚至此。今所允各事。已悔不可追。若駐京之事。仍復一請再請。強

皇上以必從。則琉球之禍。將立見於

天朝。



京師宜復為

國家所有。況桂良等原奏已明言該夷駐京。是否別有詭謀。實不敢信。則是姑為此請。以貽

君父之憂。他日准行之害。

君與相任其咎。而彼則固已先事聲明。其立足則不為不穩也。臣

愚以為啖夷之驕已極。津民之憤已深。若借此一端。翻然

改計。此機誠不可失。蓋當事之不肯主勦者。亦欲委曲求

全。避開釁之名。倖之無可藉口耳。今若必欲駐京。則曲已

在彼。豈夷人之言。事事須允。而

皇上諭旨。一事亦不能仰體乎。伏乞

皇上於桂良等再有要請之時。特降

諭旨。明言夷人要請。已多勉從。

聖度寬宏。不與計較。今乃堅執駐京。是桂良等不能力持大局。即予罷斥。飭令回京。不准再與夷人辯議。從前所給准行照會。概置不論。天津及各屬紳民。殺夷奪船者。不復再為禁止。應勒應撫。悉歸僧格林沁督辦。不更派員。如能罷議駐京。則共息干戈。言歸於好。所有已准之款。仍許議行。如此恩威並示。庶夷人有所震懾。即桂良等亦稍知振作。而於撫局仍屬無傷。此後酌議條款。轉覺易於折辦。故臣以為非乾斷示威。不能就範也。

皇上之欲用津民。非一日矣。前此人心渙散。由於譚廷襄撫馭無方。今則公漬私讐。併為一念。與夷漸習。伎倆皆知。桂良等所謂彼驕我怒。不知當在何時。若謂夷船去後。而託臥薪嘗膽之虛文。竊恐終無其事矣。臣非輕於言勸之人。惟自初十日以後。所聞市井間談。士大夫清議。無不以夷人駐京為

宗社安危所繫。而惴惴不安者。再四思維。知非口舌所能阻止。因擬一虛實並用之法。以冀轉機。伏乞

皇上俯鑒愚忱。加之

採擇。

內閣侍讀學士段晴川奏。該夷五口通商。不過意在專利。洋煙之流毒。洋銀之暗耗。其害猶隱而緩也。至突入廣東省城。虜執疆吏。已大有輕視。

朝廷之心。其害已顯而速矣。復敢邀約羣醜。北犯津沽。直有進京之議。

京師非通商之地。進京豈惟利是圖。且必欲建樓。必欲久駐。試思不情之請。是何居心哉。該夷重兵巢穴。盡在廣東。蓄謀多年。從前尚未遽進城之計。茲雖陰謀暗襲。暫時鳩居。該處紳勇萬難甘心。該夷亦萬難安枕。今以區區十數夷艘。孤軍深入。兩月以來。未煩一矢。竟至求無不應。豈不令。

該夷視進京更易視

朝廷更輕哉。夫該夷之不敢急急內犯者。畏通州防兵扼其前。天津民勇躡其後也。此議一定。則兵民均懷疑畏。該夷更無忌憚。進京之後。建樓則種種窒礙。久駐則窺我虛實。輦轂重地。何容此附骨之疽。萬一肘腋變生。蕭牆禍伏。

宗廟

社稷之所。宣可與廣東比論。言念及此。更可寒心。且該夷久駐京師。亦必久駐天津。該郡民情强悍。萬難保其相安。僅有互爭之事。駐京之夷。必藉以大為挾制。激民變則地處近畿。激夷變則病在切膚。此又目前必然之勢。亦害之至顯而

至逃者也。夫馭夷之法。恩威並用。苟值威有所窮。雖委曲清事。亦當計出萬全。今通州防兵。層層嚴備。天津民勇。躍躍思逞。是宜威有所窮。我有所恃。正可不恐。伏望

宸衷速斷。將該夷進京一節。

嚴責駐津大臣。即行拒絕。以杜後患。儻該夷終難羈縻。竟可置之不理。

密飭統兵大臣。激勵天津鄉團。同時並舉。義旗一建。夷膽自寒。不必待聚而殲旃。諒必俯首就撫。即令與該夷決一勝負。亦較之引賊入室之為愈也。

翰林院侍講許彭壽奏。竊西夷各國。駛至津門。背約負

恩○神○人○共○憤○祇○以○地○當○

畿○輔○時○值○艱○虞○餉○需○既○恐○未○充○兵○力○又○難○深○恃○是○以○按○兵○未○  
進○仰○見○我○

皇○上○虛○懷○國○計○軫○念○民○生○其○難○其○慎○之○至○意○惟○是○勤○撫○兩○途○互○有○  
得○失○勤○而○失○利○患○在○目○前○撫○而○乖○方○患○在○異○日○

皇○上○如○天○之○度○無○非○為○民○社○策○安○全○人○臣○謀○國○之○誠○要○當○為○邦○家○  
籌○久○遠○竊○思○該○夷○所○求○專○利○不○厭○既○利○於○彼○必○損○於○我○傳○  
聞○該○夷○欲○賠○兵○餉○欲○入○大○江○欲○建○夷○館○於○內○城○欲○退○貿○易○  
於○津○郡○種○種○要○求○聞○者○髮○指○有○一○於○此○均○屬○可○虞○不○得○已○  
而○較○其○緩○急○則○賠○餉○入○江○雖○有○後○患○然○江○路○之○軍○務○未○完○

非一時所能入。兵餉之所需必鉅。非一日所能償。但使大小臣工。自今以往。體

宵旰之憂勤。戒因循之積習。繕兵足食。嘗膽臥薪。待內患之既平。念

國威之當振。一朝發憤。因小屈而得大伸。則桑榆之補。猶未晚也。乃若

京師重地。許以久居。則彼將堅築垣墉。暗列火礮。洋樓則以漸而增。不得不聽其侵占。醜類則接踵而至。不得不任其蔓延。潛引奸民。廣傳邪教。我之虛實。彼無不知。彼之去來。我不能禁。有舉動則顯事阻撓。有罅隙則陰為窺伺。為地



既近為備愈難。至於天津海口。復為所踞。則師艇之常泊於海口者必多。小船之通行於內河者愈熟。遂為應援。儼成犄角。是使腹心之地。常有寇盜之防。將來隱憂。殆難盡述。議者謂要盟無信。不妨姑許。以為退夷之計。殊不思堂堂中國。朝議暮更。已非所以示信。況此二事。近在目前。事苟未行。夷何肯退。夷既未退。議何能更。迨至所議既定。所求既行。彼已根深蒂固。我乃起而悔之。徒予藉口之端。曾無反汗之法。拳豺狼於臥榻。投骨鯁於咽喉。雖有智者。難善其後。

國家景運方隆。何遽示弱至此。若謂夷族方張。兵威已挫。不

如所請。將不忍言。此則施諸議論。雖似謀國之忠。而揆諸  
機宜。究昧用兵之法。該夷來往皆坐小船。從無步行十里  
者。此其不良於行。已無疑義。聞僧格林沁已豫為洩水之  
計。查通州南有減河兩道。又寶坻之香河。亦與運河不遠。  
若三處開濬引河。則運河立見淺闊。再靜海之南。滄州之  
北。有減河一條。亦應開濬。以洩汶上以北之水。如此則南  
北運河。涓滴不入津境。津河正幹。祇餘永定一支。水淺船  
攔。彼奚由進。由津至通。凡二百里。夷雖兇狡。斷不能身著  
皮衣。步行二百里於烈日之中。其所恃者。不過潮州潰勇。  
而所招潮勇。皆江蘇資遣回籍之輩。其數不足二千。且但

精爲槍。不嫻擊刺。欲恃此以輕犯近郊。臣知其必不能矣。  
今

欽差大臣。既駐通州。其前鋒自應駐通州以南。堅壁深藏。守而勿  
戰。俾引河得以完工。通州得以自固。先禁彼之北來。然後  
籌我之南下。惟該夷精於用礮。凡我軍營壘。必須囊以沙  
土。壘以溼棉。以柔制剛。使不能得志。至於兩軍相接。夷人  
於遠則每用火箭。近則兼用洋槍。此外尚有炸礮一種。所  
向莫當。且再四思維。藤牌可破。一人一牌。足資遮蔽。礮來  
則舉以自藏。礮過則挾以前進。該夷但利遠攻。不利短接。  
若以藤牌當其前。復以騎兵抄其後。短兵既接。火器已窮。

至於或用火攻。或用夜戰。此則帶兵大員。所當臨機決勝者。非可豫為揣度也。況聞該夷近日漸肆淫掠。津民憤怒。人人有滅此朝食之心。地方官不能彈壓。惟冀和議之速成。以為庶可無事。不知眾怒難犯。與其強為禁遏。必致貽患於將來。不如用以前驅。轉可收功於目下。可否。

飭下督臣。審為布置。聽其攻襲。即以夷船銀物充賞。利之所在。當無不踴躍爭先。總之此時該夷要求。已大半遂其所欲。諒不肯因一二事之齟齬。遽墮全局。正不必鯁鯁過慮。以致墮其術中也。

山東道御史陳濬奏。竊照逆夷闖入天津海口。奪占墩臺。

乘虛直抵郡城。猖獗已極。奉

旨。派桂良。花沙納。前往查辦。迄今日久。其何如。應勒應撫之處。尚無定見。近有人自天津來。傳言桂良。花沙納。畏夷如虎。凡有要求。罔敢不應。已許其入京。蓋建夷館。不日即有夷人來京等語。道路傳聞。無不駭愕。從來外夷臣服中國。入修朝貢。皆事畢即返。不許久留。所以嚴中外之大防也。若其不修臣節。而聽異言。異服之人。盤踞京邸。出入自由。則納侮藏奸。其弊何所不至。且該夷桀驁性成。譬若豺狼。非可馴之物。臣在籍時。曾聞琉球國城。被倭夷僭任。後遂久占不還。甚至闖入王宮。肆行無忌。此等尤頑之輩。豈復禮法

可拘。古人云。臥榻之側。不容他人鼾睡。况

輦轂之下。豈可容豺狼羣聚。能保其無意外之變乎。臣竊揣  
夷人既求入住京城。必求添設馬頭。其所求添設之馬頭。  
必係天津鎮江等處。何以言之。天津為海河總匯。鎮江據  
江淮要衝。漕鹽之所往來。商賈之所輻輳。若該夷得遂其  
狡計。數年之後。天下之利權歸之中國之民。命繫之必至  
束手受制。無可奈何。其為禍患。豈徒傷威損重已乎。今之  
大病。病在懼夷之說。曰。是不宜戰。戰則必敗。夫逆夷以數  
千之眾。窺越重洋。深入重地。勞師襲遠。兵家所忌。兼之水  
土不服。疾疫交作。聞夷人在天津。因病自斃者。日日有之。

是彼固處於必敗之勢矣。我直而彼曲。我主而彼客。我眾而彼寡。我遠而彼勞。是我又處於必勝之理矣。而曰我必敗而彼必勝。此臣之所未解也。且夷人亦何懼之有。聞粵之人與夷雜處。視之不啻犬羊。即天津之民。初亦懼夷。既習見其無能為。遂亦以獸畜之。聞有夷人水師提督。往游民家。被天津之民。褫剥衣服。將縛而殺之。再四乞哀。而僅得免。將帥若此。其可懼又安在哉。故時人之言曰。懼夷者。官也。非民也。懼夷之甚者。大官也。非小官也。如葉名琛。譚廷襄。所謂大官矣。而畏蕙若彼。桂良。花沙納。又所謂大官矣。而恒怯若此。彼則誤之於前。此又將誤之於後。大局尚

堪設想耶。臣觀此憂危。不勝焦灼。伏願

皇上深思至計。將桂良花沙納撤回。另

簡忠勇大臣。前往查辦。抑或以臣風聞無據。乞將臣所陳。並桂良等奏報。

飭下僧格林沁。就近確查實在情形。是否宜和宜戰。二者孰有把握。據實奏覆。

皇上將僧格林沁之奏。召羣臣集議。各竭智謀。然後宸衷獨斷。決策行之。庶幾轉禍為福。天下幸甚。

硃諭。著巡防王大臣。軍機大臣。與今日條陳之周祖培等。並謂難許內江之來晉。應阻駐京之萬青藜。從長和衷商議。惟期計及



久長不可只顧目前。朕意戰甚易。戰後防患難。撫雖定局。防患尤難。然則惟戰而已。曰不然。許內江禍尚緩。從容設備。暫示羈縻。不如撫。准夷苗之偽。欽差駐京。動受挾制。戰撫兩難。貽患無窮。不如戰。兩害相形。則取其輕。惟審時度勢。應戰則戰。此時尚未到應戰之時耳。再恭親王所奏。頗有可採擇之處。著一併面議。

戊子。

欽差大學士桂良。吏部尚書花沙納奏。茅等到津以後。詳悉辯論。幾及一月。既不敢任其決裂。又不敢輕為允許。朝夕設法。原思盡得一分之力。即少一分之累。乃因夷性急迫。不能

再容姑待。嘆夷昨來照會。謂我徒事遷延。若再無定說。惟有帶兵北竄。雖曰虛聲恐嚇。而海口情形。即因此決裂。且民有怨言。咸苦兵船不退。人情洶洶。深為可慮。等語。精力盡。勢難向此犬羊之輩。再為開導。俄夷受

皇上厚恩。口稱圖報。昨來丈內。有將進京內江兩事。已代說明。詢之嘆夷。乃云並無其事。俄夷亦云該夷性情反覆。言而無信。此後竟難為力。現在潮信將至。夷船更得進退自由。思維再四。焦急難名。所有

聖諭各節。自當凜遵。照辦。一面向兩夷理論。一面託俄夷阻止。得寸則寸。不敢稍異煩難。竊恐該夷情急。逼促定議。臨時無

計。莫能主張。為此趕緊請

旨定奪。僕或嘆唏兩處。必欲照伊定議。萬萬無可商量。應否姑為  
允準。以顧目前。抑或仍遵

前旨。告以等不能定議。即行飛咨僧格林沁。帶兵前赴天津。辨  
理之處。出自

聖主鴻裁。

諭軍機大臣等。桂良。花沙納奏。事機萬分緊迫。請旨定奪一摺。前  
因嘆夷欲駐京師。曾諭令桂良等。告以遇有要事。儘可來京面  
訴。不必留人遠駐京師。或照俄夷成例。但派學生留駐。不能有  
欽差名目。須改中國衣冠。遵中國制度。不得與聞公事。仍須俟

廣東了事。再行詳細議定禮節。將來由內地北來。由中國派官護送。一切供應。不必令其自備資斧。或三年一次。或五年一次來京。是啖夷進京一層。並非概行拒絕。如果桂良等明白開導。該夷得此體面。何至謂我徒事耽延。俄夷來文。謂將進京內江兩事。已代說明。詢之啖夷。乃云並無其事。此中情節。或俄夷未曾轉達。或啖夷故為狡賴。均未可知。該夷所求鎮江馬頭。與啖夷之金陵。桂良等皆許其軍務告竣。再為定議。原不過為緩兵之計。他時尚費周章。若進京一節。亦須如其所請。是桂良花沙納。籌辦夷務。毫無主見。惟一味畏蕙。竟未將初十日寄諭。細心體會。啖夷照會。謂我徒事遲延。若再無定說。惟帶兵北竄等語。

究竟何者未定。豈桂良等尚未分晰告知耶。連日據王大臣科道條奏。僉以該夷駐京及內江通商萬不可准。桂良等豈不知貽患將來。惟應照初十日寄諭。妥為籌辦。使該夷知非全行拒絕。又非概允該夷所請。如此羈縻。或可不至決裂。其哱夷所請萬不能阻止。亦只可仿照辦理。儻該夷定欲派欽差來京。建樓久住。當告以此事斷難允准。我等若擅自允許。大皇帝必將我等從重治罪。所許各條。亦只好均歸罷議。應如何辦理之處。聽喚哱兩酋照覆。一面告知俄味兩夷。令其將內河船隻及早退出。免致打仗時誤受損傷。並飛咨僧格林沁。妥速籌備。似此決絕言之。看其如何動靜。若竟用武。只可與之決戰。儻其顧惜桂

良等所許。利益已屬不少。必轉託俄味二夷出來說合。彼時再行酌辦。庶不致全為挾制。貽患無窮。

又

諭前因啖晞等夷。要求各款。內有在京久駐一節。曾諭桂良等。此層必須阻止。即不能罷議。亦須俟廣東了事。再行議定。本日據桂良等奏。啖夷又來照會。謂若再無定說。即行帶兵北竄。並天津情形。萬分緊迫等語。已諭桂良等。再行剴切曉諭。如該夷堅執不允。撫局自必決裂。勢須與之用武。著僧格林沁。迅即妥籌準備。現在托明阿駐紮楊村。兵力尚單。著即飭西凌阿。統帶勁兵。迅赴楊村。或另派得力將弁。帶兵前往。務當早為布置。以備

不虞。毋稍遲誤。

又

諭桂良。花沙納奏。事機緊急。請旨定奪一摺。連日。噶喇。兩夷。要求各款。以內江通商。與派員駐京兩條。為最難允准之事。疊據桂良等。奏請通行。曾諭以京師重地。不能蓋立夷樓。須俟將來退還廣東省城。准照俄夷成例。但能派學生留駐。不能有欽差名目。以重體制。而立防閑。至噶喇。請立鎮江馬頭。既未允准。而桂良等。又許噶喇。在金陵通商。約俟軍務完竣再議。並未一概拒絕。乃本日聞桂良等所奏。謂夷性急迫。不能姑待。所給照會。有再無定議。即日帶兵北竄等語。朕懷柔遠人。不惜寬大。以示羈

摩。若該夷仍肆逞強。豈能聽其藐視中華。要求無厭。茲已復諭桂良。花沙納。再囑俄使。二酋與為開導。若竟難以口舌理論。必須用武。天津兵勇尚多。民團亦甚可用。著譚廷襄飭令帶兵將弁。嚴密布置。天津迤北。毋令該夷竄入。一面激勵紳民。急籌攻戰之策。方不致臨事倉皇。持不可先行舉動。當靜以待之。該督前因礮臺失事。僅予薄懲。儻再不知愧奮。徒以撫事委之桂良等。及至交兵。又蹈前轍。辜負朕恩。必加重譴。惟事機貴密。不可洩漏。以致謀畫未成。反滋他變。

庚寅。

欽差大學士桂良。吏部尚書花沙納奏。此次英俄兩夷入津口後。



狂悖情狀。難以言傳。皆由窺破中國虛實。故致大肆猖獗。等苦心孤詣。勉強撐持二十餘日。愈逼愈緊。急欲定議。所有等為難光景。非目覩者不能深知。原因權度再三。覺應允之患無窮。而決裂之患尤重。若論後禍。不但進京及內江兩層。大費周章。即他稅務各款。亦多於中國有損。等所以情甘認罪。而忍為此者。蓋時勢當危急之秋。恐夷情一變。津郡立非我有。從此北竄深為可慮。此時嘆咄兩國和約。萬不可作為真憑實據。不過假此數紙。暫且退卻海口兵船。將來儻欲背盟棄好。只須將等等治以辦理不善之罪。即可作為廢紙。昨該夷來公館。將自定條約五十

六款。逼李等應允。驕很之情。有目共見。非特無可商量。即一字亦不令更易。該兵船近在咫尺。若聽其自去。是否不致決裂。李等實無把握。只好約俟二三日內。自當定議。此時俄味兩國條約已定。啖啼兩夷條款。因有進京及內江通商各事。所求太奢。且天津地方。亦欲仍來居住。商酌未定。是以不能議妥。俄夷之言。實不足恃。味夷且欲開船。該二夷與啖啼究屬一氣。即託代說。萬難有益。現在一面飛咨僧格林沁。迅速籌備。一面託與該夷幫辦筆墨之中華人。暗中設法。若終無可挽回之路。只好聽其決裂。儘進高。能於一年之後。不派欽差。或照俄囉斯學生之例。鎮江通。

商能於軍務完竣。再立馬頭。一切稅課。歸於上海商議。天津不可居住。或仍易以他處。即當相機妥辦。嗾倭驕悍異常。不可輕試其鋒。岑等實有所見。仍以暫借和好之說。迅速了結。為得計也。

諭軍機大臣等。前於初十二十四等日。疊次諭知桂良。花沙納。令將嗾倭兩夷。請駐京師。及鎮江金陵先立馬頭之處。設法阻止。本日據桂良等奏。該夷自定條約五十六款。一字不令更易。並添出在津居住一層。俄夷既不足恃。味夷又欲開船。照此情形。豈非有心決裂。志不在和。桂良等已令該夷幫辦筆墨之華人。從中挽回。儻如所擬。該夷進京。於一年之後。不稱欽差名目。

或照俄譯斯學生之例。其鎮江通商。俟軍務完竣再辦。天津不  
至居住。則撫局即可定。事已至此。尚有何新惜。必欲該大學士  
為難。但恐并此不能。則其勢不得不用武。昨十四日寄信諭旨。  
令將何款已允。何款難允。分晰告知該夷。使該夷知我於所請  
各款。並非全行拒絕。自可漸就範圍。該夷所謂五十六款。一字  
不可更易者。恐尚係傳說之人。於中把持。果能分晰開導。何至  
如此堅執。桂良等所稱天津居住一節。或可易以他處。但當易  
與閩廣等省。距京較遠之處。若如奉天牛莊。及山海關等處。則  
與天津無異。仍不可行。本日已密諭譚廷襄。密伏練勇。隨地布  
置。一面抵禦該夷。一面即為保護桂良等之用。如其事機決裂。

桂良等即當設法抽身。萬不可輕蹈虎口。致傷國體。桂良。花沙納。譚廷襄。聲氣必須聯絡。勿至臨期遺誤事機。至俄味兩國條約既稱已定。即可先行具奏。以備印證。

又

諭。昨因桂良。花沙納奏。夷人催給照會。有再無定議。即日帶兵北竄之語。當諭譚廷襄。密籌布置。激勵紳民。急籌攻戰。本日復據桂良。花沙納奏。嘆唏兩夷。自定條約五十六款。不令一字更易。其進京及內江通商。天津居住各節。因所求太奢。未能定議。俄夷言不足恃。味夷稱欲開船。均屬通同一氣。現託該夷幫辦筆墨之中華人設法挽回。如或不能就範。亦只可聽其決裂。各等

該夷要求各節。如能照桂良等所擬酌減定議。則大局仍當以議撫為主。惟夷性驕悍。恐竟不從。則兵端立起。諱廷襄務當督飭帶兵將弁。及團勇人等。嚴為之備。其河西務一帶。為北窺必經之路。當節節設法。以備攻擊。至大沽海口之勇。即可設法調回。以截該夷後路。使之進退失據。並著預伏兵勇。將桂良花沙納等救護。毋得稍有疏虞。即或事機不至決裂。而該夷等屢次擾累居民。四出窺探。亦當密飭團勇。設法禁止。使其稍知忌憚。是為至要。

恭親王等奏。查耆英係獲咎之員。蒙

恩棄瑕錄用。宜如何激發天良。力圖報効。雖係供稱。回京係為面

陳機宜。且經桂良等另片奏明。並非藉詞脫卸。第不候

諭旨。即行起程。其冒昧糊塗。殊出情理之外。誠如

聖諭。實屬自速其死。惟該員究非統兵將帥。且回京係恐撫局決

裂。與無故擅離者。亦覺有間。偏查律例。並無大員奉使擅

自回京。作何治罪專條。未便僅照奉制書故違不行。及官

吏擅離職役。避難在逃。並事已奏不待回報。而輒施行。各

律科罪。致滋輕縱。臣等就所犯情節。公同酌議。應請將耆

英於惠親王等所擬。即行正法罪上。量予末減。定為絞監

候。仍照例交宗人府暫行圈禁。俟

朝審時。入於情實辦理。是否有當。恭候

欽定

理藩院尚書肅順奏。伏思耆英前因辦理夷務不善。負罪至深。茲蒙

逾格鴻恩。棄瑕錄用。委任辦理夷務。宜如何激發天良。仰酬高厚。乃甫抵天津。一經夷人虛言恐嚇。不顧大局。遽爾奔回。又捏稱有面行陳奏之事。今幸見耆英親供內。多係飾詞。亦並無不可陳諸奏章者。是其畏葸無能。居心巧詐。誠如

聖諭。實屬自速其死。若不即行正法。僅議絞候。轉令苟延歲月。遂其偷生之私。儻倖以病亡。獲保首領。

國法何伸。官邪何儆。況今尚有辦理夷務之臣。若皆相率效



尤畏慈潛奔。成何事體。據李愚昧之見。應請

旨將耆英。即行正法。以儆官邪。而申

國法。

硃諭。本日恭親王等。並肅順具奏各一摺。朕尚須詳酌。著傳知集議王大臣等。於十九日俱赴圍候旨。

辛卯。署察哈爾副都統慶昶奏。此次俄夷回恰克圖送信。若僅止二人。自不難由軍台應付。若其僕從等項。人數眾多。勢須仍循故道。自備車馬。由西林果勒部落等處行走。斯免釁端。不致擾累軍台。今回恰克圖送信之俄囉斯。事屬創始。已通飭軍台參領等。妥為供應。並派委管站員外

郎福申等。屆時伴送該夷。沿途妥為防護。

諭軍機大臣等。慶昫奏。遵旨籌辦。派員護送俄夷一摺。並密陳該夷由驛行走。恐有疏虞等語。此次俄夷由張家口回恰克圖。必須熟悉夷情之員伴送。據慶昫奏稱。擬派員外郎福申。驍騎校伊什貢布。沿途護送。可期得力。惟伊什貢布現在通州軍營。著西凌阿。即飭該員速回張家口。聽候慶昫派委。至慶昫所稱。該夷由天津至張家口。各路先被窺識。口外草地與驛站。復被復看。將來水陸兩路。多所牽制。所慮亦不為無見。惟該夷僅止二人。且由驛行走。業已應許。難以更改。著慶昫於該夷抵口後。飭令護送各員。嚴密防範。催趨前進。不令沿途逗留。得肆窺探。以

免意外之虞。

前戶部侍郎羅惇行。前太常寺卿龍元僖。前工科給事中  
蘇廷魁。奏夷情叵測。深慮其肆擾鄉村。臣等業經派委戶  
部候補主事陳桂籍。督帶新安勇十名。駐紮省垣東路三  
寶墟。與千總鄧安邦。所紮榕樹頭之勇相犄角。並傳知北  
路候選知府林福盛。所帶番禺及安良局勇九十六鄉勇。  
互相守望。暗作聲援。乃該夷驕橫日張。既蹂躪城中。復荼  
毒城外。四月二十一日。率夷兵千餘。往近村姦斃良婦二  
人。虜去處女三人。隨往白雲山之摩星嶺。打十里鏡四處  
瞭望。二十二日黎明。逆夷突分兩路來攻。一路由黃陂塘

往撲鄧營。于總鄧安邦督勇迎敵。斬獲逆夷兵總首級一顆。奪獲夷馬一匹。劍帽軍械多件。夷兵退竄三寶壩。其兵總名吐哇哈。乃該國所恃以督陣者也。先是三寶壩已有  
一路夷兵與陳桂籍所帶新安勇鏖戰。適鄧勇所敗夷兵亦至。三面攻撲。安勇益奮。並有龍眼洞鄉勇助戰。自卯至未。總戰五時。大獲勝仗。槍斃紅衣騎馬執旗持劍夷目二名。夷兵一百餘名。受傷夷兵五六十名。我勇自銀坑嶺追至西牛角地方。夷兵竄匿銀展壩。麒麟嶺及白雲山。各寺中。我勇亦扼要固守。二十三日。夷兵復撲。鄧勇營壘。鄧勇與各鄉勇奮力迎擊。傷斃夷兵多名。始抱頭鼠竄。城內逆

首。又派撥淺水火船。舢板戰船各數隻。駛往泥城一帶。沿河鄉勇。鳴鑼齊出。船上夷目望見。旋即退去。是晚北路各勇。悄至城北四方礮臺下。鳴鼓吹角。施放火箭。故作疑兵。城中各逆首。親赴五層樓。齊吹威篳。集兵拒守。立調銀展塘。麒麟嶺。及白雲山。各敗兵。乘夜全數入城。我勇分布東北兩路。恐營盤有失。未便遽行掩襲。現在逆夷。又有來攻石井江村之信。臣等業妥為布置。除優卹陣亡壯勇外。並犒賞各路練勇鄉丁。均甚感激。各有滅此朝食之志。北路諒保無虞。

羅惇衍等又奏。現在城內官。止有柏貴。穆克德訥。雙禧。雙

齡。蔡振武。恆祺。六員。一意將順夷人。該將軍初至粵時。官聲尚好。後憚夷人之威。坐擁旗兵萬餘。束手無策。滿漢都統。兼以縱酒廢事。至署督柏貴。身任巡撫。因不設備。致陷省垣。乃晏然不以介懷。凡陳奏事件。無非夷人逼勒起筆。而省垣殘破情形。遂無由上達矣。近來逆夷刻新聞紙。欲收廣州府錢糧。議立治民章程。日日丈量街道。繪寫地圖。視粵省為己有。毀貢院。壞

文廟。占藩庫。拆民房。所有城門。衙署。里術。礮臺。俱懸夷人扁額。所至淫掠。兇橫。莫撓其鋒。遇人於途。責以摘帽為禮。否則用木鉗擊之。有義民蕭亞就。不勝其憤。持刀斬傷該夷。

一名署臬司蔡振武。愆愆署督。飭兵購得。立交夷人治罪。該夷用鐵鉤吊殺之。又有義民砍傷看守大平門之逆夷二名。蔡振武復愆愆署督。用全銜貼告示。懸千金重賞。以購義民。百姓見之。無不駭歎。蔡振武為

本朝臣子。不意其喪心昧良。一至於此。該關監督恆祺遇事不敢置喙。然亦共被拘執。有若罪囚。此六人劫留城內。逆夷視為貨官。官既被挾。遂甘心為夷所用。受其牽制。伏懇皇上神機獨斷。另簡賢員。則逆夷所執六人。乃六匹夫耳。留之無用。必放使出城。則正所以保其身命也。至署撫江國霖。初住外城。臣等屢勸其前往西江督師。遲疑不發。後查西江

確有勝仗。指日可平。始行決計。復用曾為清遠逆賊所虜。貪鄙無恥之候補知府史樸。統帶兵勇。該府如功忌能。且前且卻。幾於債事。臣等恐失機會。遂函致提督崑壽勸其赴西潦未發。督軍前進。又籌助已革廣東梧州府知府陳瑞芝及其子登仕。餉銀二萬兩。招募潮勇。收復梧州。始不為史樸所誤。該署撫西上之後。住在肇慶端溪書院。形同聾瞶。史樸所帶陸勇八千名。實數不足五千。該署撫不見不聞。漫無覺察。聞四月十八日。已復梧州。二十一日。即馳赴兩省交界地方駐紮。蓋欲借收梧州之功。冀免失省城之咎。其居心之巧。可概見矣。至布政使銜伍崇曜。始雖無



勾通方跡。惟常發腳子塔夷船至上海。登陸進京。探利朝廷舉動。又有買賣生理。在味喇啞國。每年收息銀二十餘萬兩。此次逆夷到津。投遞文書。其要求各款。惟署督署撫。署臬及該紳見之。並不敢申明大義。顯斥其非。但冀和議早成。以為自全之計。而不知其隱貽

君父之大憂也。臣等素知夷性貪狡無厭。不挫其鋒。勢難帖服。上則聚而戮旃。次則停止通商。斷絕接濟。各鄉各族。自為厲禁。足以制其死命。然必

聖意堅定。持以毅力。然後可行。苟寬以日期。則主客異形。勞逸殊勢。此事確有把握。現在百姓刺心刻骨。怨恨日深。但受制

於城內各官。不能洩密。仰祈

皇上俯順輿情。勿以和議宣之。

諭旨。則臣等密備鄉團。更易得力。凡遏抑夷人之事。臣等任之。而轉圜之權。歸諸督臣黃宗漢。將百姓之聲勢愈奮。而逆夷之妄想潛消矣。

諭軍機大臣等。羅惇衍等奏夷人出城滋擾。迎擊獲勝。並滙陳省城情形。請旨遵辦一摺。該夷四出滋擾。業經與之接仗。兵端既起。勢不能再有顧惜。前次諭令勿遽舉動。原恐黃宗漢一時未能到粵。該紳等聲勢尚孤。今據奏稱。請以遏抑夷人之事。責成該紳等。而以轉圜之權。歸之黃宗漢。所見甚是。黃宗漢何以日

久未到。殊不可解。該侍郎等即當激勵團練。乘其公憤。實力攻  
勦。不必因城中尚有官吏。致存投鼠忌器之心。能將夷人逐出。  
將來轉圜之事。黃宗漢自能斟酌辦理。其出力之戶部主事陳  
桂籍。千總鄧安邦。俟立功後。隨時密保。該侍郎等雖係奉旨辦  
團。而勦夷之舉。仍當以民心義憤為詞。不可自露帶勇打仗之  
名。免致將來指名報復。又增銳舌。指內所參媚夷及債事各官。  
除江國霖業經革職。交黃宗漢訊辦外。其餘各員劣跡。著俟黃  
宗漢到後。詳細告知。聽候查辦。

又

諭前因羅惇衍等奏。進紮花縣。激勵紳團。密籌克復省城。諭令黃

宗漢於行抵粵省後。與該紳士等密商舉動。使該夷痛受懲創。然後官為轉圜。本日復據羅惇衍等奏。逆夷自踞城後。驕橫日甚。出城侵犯鄉村。該紳士等。調派各路團勇迎擊。先斬其兵總吐哩哈一名。並於三寶壠地方。殺斃夷目二名。夷兵二百餘名。受傷五六十名。夷兵敗退。來夜全數入城等語。粵東紳民。此次稍抒義憤。使該夷畧受懲創。殊堪嘉尚。已諭令該侍郎等。來此聲威。再接再厲。勿因官員在城。稍存顧忌之心。黃宗漢自三月十五日。由閩起程。何以遲至四月二十八日。尚未抵粵。中途有無阻隔。未見奏報。該督此時諒已到省。如已與羅惇衍會同舉動。固無庸議。如尚未與聞。亦不可阻遏民團。但將攻擊夷人之

事。令羅惇衍等專辦。而該督作為局外調停。庶可使夷人窮而  
就撫。知畏。益以知感也。現在俄味二夷。在天津已有成說。嘆  
二夷要求無厭。殊難駕馭。若得粵東民團。齊心痛勦。亦足挫其  
驕橫之氣。至前諭參辦媚夷不職各員。諒已遵照辦理。此次羅  
惇衍等摺內所指候補知府史樸。如功忘能。並布政司銜伍崇  
曜。通夷牟利各節。該督於到省後。詢明羅惇衍等。一併詳查。參  
奏。江國霖已有旨革職。廣東布政使著畢承昭補授矣。

欽差大臣科爾沁親王僧格林沁。察哈爾都統西凌阿奏。查連日  
由京城巡防處。飭運到通八旗大礮。等分別安設各營。  
礮臺及通州東門城上。與東南之文昌閣地方。等僧格林

沁營盤礮臺三座。其餘各營。皆有一二座不等。茅西凌阿  
到營。幫同逐日親身督辦。於十六日傳令各營及城上挨  
次演放。前後各營聯絡。尚覺勢單。並將京城捐輸之礮及  
京局陸續鑄成大礮。調運前來。以備添設。至沿岸村阜地  
方。尚有可以增立營盤。設伏誘敵之處。再行分別虛實。隨  
時辦理。平家灘引河已成。河身築壩處所。釘椿備料。豫備  
下埽。運河沈伐樹株。樹立椿柵兩道。現於上游再行釘椿  
一道。以期益臻嚴密。敵情叵測。由津至通二百餘里。水程  
剽疾。夏漲將至。夷船即可突如其來。必須時時準備。恭奉

本月十四日寄

諭。前因喚喘等夷。要求各款。內有在京久駐一節。曾諭桂良等。必須阻止等因。欽此。查。李僧格林沁。抵通以來。將東西兩岸營壘。併力經營。現已將次就緒。京師辦理巡防。所有選派各營兵將。自己豫定。與通州一氣相聯。惟在臨機聯絡策應。以期萬妥。夷情狡惡異常。而專恃者船礮。度其內犯。必不肯全舍舟登陸。而水陸兼要地方。可以與之角者。惟此間尚得地勢。且非布置十分周密。不能決勝。楊村地方。李曾在彼紮營。一綫河隄。馬步兵力。本難施展。一到雨水漲發。兩岸盡屬泥淤。托明阿等帶兵二千五百。力量本單。屢飭該提督等。敵人來犯。酌量兵力足制。方可迎擊。如或眾寡不

敵○便當誘令深入○與○努等前後夾攻○嗣聞該提督等紮營  
地方散漫○復經飭令擇要歸紮一處○各營毋許相離一里○  
以期敵至可以商同一氣○聲息相關○再○努等在通部勒甫  
經有緒○若將勁兵交西凌阿帶赴楊村○此處兵力益單○而  
楊村地方○夷船如果乘漲而來○縱然兵力厚集○勢難施展○  
非有兩岸連營大礮○不能禦之○惟有仍飭托明阿○查照○努  
前令○臨敵酌量誘擊○逆夷果敢深入○我軍便可首尾轟擊○  
至沿河登陸處所○即使狼奔豕突○其真夷首目等○必不輕  
離舟次○惟當防其分遣漢奸潮勇人等○多方誤我○牽制大  
軍○希圖乘間水陸並進○行其長驅內窺之志○努等亦派定



將兵臨時分投截擊。斷不為其所誤。夷性犬羊。勢非一肆。抵觸不已。刻下要求。迥出情理萬分。若非稍示威。將其臨張。更不知所底止。等飛咨桂良等。即將如何動靜情形。刻即飛覆。以憑準備。不敢稍涉疏虞。

硃批覽奏均悉。

僧格林沁等又奏。接准巡防王大臣函咨。侍衛圖庫爾等官兵。於十六日赴八里橋安營。並經面奏。應調投誠義勇。來營協助兵力。相應請

旨飭下官本德興阿。傳令勇目唐起倫。劉正發。蔡連修。帶領得力義勇。趕緊前來通州軍營。聽候差遣。並即調令現在皖豫

軍營之京營參將龍汝元。遊擊何建楚。督帶來營。一俟吉林黑龍江及兩盟馬隊官兵。與前項義勇到齊。足資策應。即可將八里橋官兵。仍飭回京。分撥各門。

諭軍機大臣等。僧格林沁奏。請飭調投誠義勇赴營協助等語。僧格林沁。現在帶兵駐紮通州。防禦天津夷人竄突。必得熟悉行陣兵將。赴營差委。藉資禦敵。著官文。德興阿。即飭勇目。詹起倫。劉正發。蔡連修。帶領精銳義勇。速赴通州。軍營聽候差遣。並著勝保。英桂。飭令現在該省軍營之京營參將龍汝元。遊擊何建楚。速赴通帶勇。以資得力。

直隸總督譚廷襄奏。伏思此次夷務。始誤於廣東之不戰。

繼誤於上海之不撫。迨至天津。則戰固非宜。撫亦不易。比  
值兵臨城下。挾制多方。蒙

欽差大學士臣桂良等。前來議撫。相持已經一月。現聞俄味兩夷。  
業經換約。噶夷亦已議定。惟噶夷尚有數款。最難允准之  
事。屢次反覆變更。誠如

聖訓。豈能聽其藐視中華。要求無厭。臣何敢徒以撫事委之桂良  
等。而不思愧奮。稍贖前愆。惟思北竄一語。該夷知為我所  
最忌。故不時以此恫喝。其實北運河上游。業已開挖引河。  
隔斷來源。楊村一帶。排椿五段。另釘木筏一段。又於北倉  
迤南。添設排椿一段。椿皆入土丈許。拔不能出。正值水勢

枯極。即使小有汎漲。船亦不能前進。斷可無虞。至於陸路。先經臣派兵二百名。在北倉設卡盤查。以防勾結內匪。復於西沽地方。挑選壯勇五百名。扼要駐巡。該夷即使輕兵銳進。人數有限。不難會合截剿。較之水路之戰。似有把握。所可慮者。該夷不敢北竄。而專擾天津。逼近城關。人煙稠密。水陸錯雜。地方狹窄。本已種種格礙。且因議撫。而不肯先行舉動。人心懈弛。攻戰悉皆落後。仍與海口無異。未易爭戰也。津城無米無水。不能一日關閉。臣現飭鎮道將城內兵勇。扼守四門。城外兵勇。屯於要路。一有舉動。四面迎頭截殺。其船及占踞之屋。設法以火攻之。但能人人用命。

夷非甚眾。尚可望制勝於臨機。天津練勇數雖不少。用以  
巡查彈壓。均屬得力。衝鋒陷陣。殊不多見。其團練紳士。除  
張錦文等數人外。率皆避匿不出。屢飭地方官多方激勵。  
未見有告奮勇者。

硃批覽奏均悉。

籌辦夷務始末卷之二十六